

Parare Domino Plebem Perfectam

A lokisetse Morena Sechaba se phethehileng (Luka 1,17)

# Moeletsi oa Basotho

www.moeletsiobasotho.co.ls

'Muso o tsoma batseteli

7



Sebabatso bacheng

8



ABC e'a ikhantša

9



# HA BA E HANA, LE TLALEHE

2



www.moeletsiobasotho.co.ls



+266 28 350 466/  
+266 6260 0983 WhatsApp  
newsroom@moeletsiobasotho.co.ls

#PARARE DOMINO PLEBEM PERFECTAM

KETEKELO EA LILEMO TSE MAKHOLO A MABELI SECHABA SA BASOTHO SE THEILOE

# MOELETSI

## Boithuto ba tse ncha

# Tlohelang ho hana chelete



**N**akong ea boiketo ba likhetho tse akaretsang mekha le makhotla a lipolotiki a phatlalatsa mehoo ea ona sechabeng, ho etsa litšepiso tseo hangata ba sa li phethahetseng. Lekhotla la Kobo-Tata ea Basotho (ABC) kajeno le ikotla sefuba ka likatleho tseo ba li fihletseng pusong ea bona. Ba etsa letoto le letelele le kenyeletsang ho aha lifeme, nyollo ea meputso ea bahlanka ba 'muso, Morero oa Lihala-hala (o thusitseng bacha) le ho nyolla meropotso ea metsofe. Tsena tsohle ke 'nete ba li entse, empa ha ho tjaka tlhoka koli, etsoe e khoptjoa e le maoto-mane. Ho nts'o e-na le liqholotso tse ngata tseo ba fetileng ho tsona, le mathata ao ba sitiloeng ho a rarolla.

Morero oa Sebatso oo 'muso o o thehetseng ho thusa bacha ka litsebo tsa khoebo o ntse o tsoelapele ho etsa joalo le hoja qholotso e kholo e le bacha ba nang le bokooa bao litlhoko tsa bona li sa arabeleheng habonolo. Ka lebaka la meralo le melao e sa ba kenyeletseng ba thulana le liqholotso tse ngata haholo bophelong ba bona. Ka hona ba etsa kopo ho 'muso ho loantša taba ena ho tloha qalong koana, litichere Likolong tsa Mathomo li fuoe lihlobo tse lekaneng ho thusa bana ba nang le bokooa ka tsela e nepahetseng. Puo ea matsoho le eona e ke e ate haholo kahar'a sechaba e le hore bohle ba nang le bokooa ba se utloe ba khesoa. Ha ho ntho e ncha hakaalo kannete litabeng tsena hobane khale ho lloa empa ho sa bonahale tema. Ekaba bothata bo hokae hore batho baa ba ikutloe e le karolo ea sechaba? Nakong ea likhetho teng ba lebeletsoe ho khetha joaloka ba bang, empa litlhoko tsa bona tsona ha li nkeloe hloohong. Baetapele ba pusong ak'u e shebeng ka leihlo le leng taba ena.

Re lebohela baithuti bohle ba abetsoeng mangolo a bona Sekolong se Seholo sa Sechaba (NUL), 'me joalokaha Mookameli oa Sekolo a boletse e se eka makoloane ao a ka ea ho sebelisa litsebo tsa bona ho matlafatsa naha ena. Sena se ka phethahala haeba ka litsebo le malebela ba ka ithehela mesebetsi joalokaha ho e-na le 'hub' e thusang baithuti ho sebelisa litalenta tsa bona ho iketsetsa lintho tse ka bang molemo bokamosong ba bona.

Naha ea Lesotho e phela kahar'a Afrika Boroa ka hona ho senya likamano le naha ea boahelani ke ho ipupetsa. Ka hoo bahoebi tlohelang ho hana Liranta hobane hoo ho tla bolaea Loti le itšetlehileng haholo ka Ranta. Tlohelang botsoa ba ho etsa lipatlisiso ha ho e-na le ntho e ka behang likhoebo tsa lona tsietsing. Ke tokelo ea lona ho ba le tsebo kapa thalohanyo ea chelete ea lefofo le e nepahetseng. Tlohelang ho iketsetsa melao ka ho hana chelete mabenkeleng hobane hoo joalokaha Ramolao oa Banka e Kholo ea Lesotho (CBL), a sa boletse ke tlolo ea molao. Hape ntho eo le sa e tsebeng kapa eo le iphapanyetsang eona ke hore moruo o hola hantle ha chelete e potoloha, joale ha le e hana tjee li tla hola joang likhoebo tseo tsa lona?

Se ka iketsang metsi ka moeli kahar'a likhoebo tseo le li reretseng ho le phelisa le ho hola. Sechaba ha se e-tla likhoebong tsa lona se le thusa ho phelisa malapa a lona joaloka le lona le se thusa ka seo se se hlokang. Ha ho na motho ea mohaung oa e mong hobane kaofela lea hlokana. Boithuto ke ntho ea bohlokoa e ka thusang kholo ea likhoebo tsa lona 'moho le likamano tse mofuthu le bareki. Phahamang litulong le etele liofisi tse ka le thusang ka malebela a khoebo.

### Nthabeleng Seithleko

**R**amolao e Mopholo Bankeng e Kholo ea Lesotho (CBL) Adv. Thato Ramoseme, o re ke tlolo ea molao ho se amohele 10c, 20c le 50c mabankeleng, ka hoo motho ea etsang joalo a tlalehoe kaha taba eo e ama moruo oa naha. Litaba tsena li hlaheletse 'mokeng oa mafapha a amehang tsamaisong ea lichelete o neng o tšoeroe ke CBL ka la 9 Mphalane monongoaha.

O re ho se amohele chelete ea Afrika Boroa hobane ho ile ha hlahella e na le ea lefofo ho ama moruo le likamano tsa linaha tsena tse peli.

A re Basotho ba loke-la ho baballa likamano tseo hobane Loti le lula le itšetlehile ka Ranta meb-arakeng.

Ho boetse ho kenyeletsa ho ameha ha litšebelotso tsa 'muso le moruo oa naha ha o tsamae ka thello, ka hoo o ipilelitse ho Basotho ho amohela chelete ea Afrika Boroa ho boloka likamano pakeng tsa linaha tsena.

Mabaka ao ka ona bohle ba tsoanelang ho amohela chelete ea Afrika Boroa le ho e sebelisa o re ke hobane Lesotho le kene tumellanong ea linaha tse 'ne, e leng lona, Afrika Boroa, Namibia le eSwatini hore Ranta e tla sebelisoa ho likoloha kahar'a linaha tsena ho nolofatsa khoebisano kahara linaha tsena.

A re ha e ka hanoa hoo ho tla thatafatsa theko ea litšebelotso lipakeng tsa linaha, hape naha e joalo e ka iphumana e tjametsoe ke qoso lekhotleng la machaba.

O itse ha chelete e tl'o tsoa kahar'a 'maraka kapa e se e sa tl'o sebelisoa banka e fana ka tsebiso ho sechaba nako ea likhoeli tse tharo, ebe qetellong chelete eo ha e bokeletsoe ea sengoa.

H'a phethela, o re na-

kong eo chelete ena e ntseng e hanoa ke ba lokelang ho e amohela ho ba le litlamorao, joaloka ho sitisa tlhoko tsa sechaba ho phethahala le ho sitisa lebili la moruo ho potoloha.

Setsebi litabeng tsa moruo Palesa Manosa, o itse ke boikarabello ba mohoebi e mong le e mong ho tseba matšoa a chelete ea lefofo hobane tahlehelo e ba ho eena ha chelete ena e fumanoa khoebong ea hae. A re bahoebi ba lokela ho etsa tšalo morao, ho botsa le ho rua tsebo ka liphetoho tse teng eseng ba iketsetse liqeto tsa ho tlatlapa sechaba ka ho hana chelete.

O re moruo oa linaha o phahamisoa ke khoebisano e ntle lipakeng tsa linaha, litumellano tsa tšebeliso le melao e tsamaisang litaba tsa lichelete. O re batho bohle ba amohele chelete ea Afrika Boroa likhoebong, kaha Loti le phela ho eona.

Ho latela khaolo ea 85 ea selemo sa 2014, ea molao oa letlotlo la lichelete, Ofisiri ea Lichelete e lokela ho tlaleha ketsahalo efe kapa efe ea chelete kapa bosholu kahar'a tikoloho eo a phelang ho eona.

Contacts: +266 28350 466 / 6260 0983 (Whats app)  
Email: moeletsioabasotho@gmail.com



### Editorial

Lesoetsa Rakubutu (Editor)  
(+266) 58490670 / 62031949  
editor@moeletsioabasotho.co.ls

Lehlohonolo Mohale (Sub-editor)  
(+266) 58 771 507 / 62 771 507  
subeditor@moeletsioabasotho.co.ls

### Advertising

Thabo Lesaana  
(+266) 28 350 466/ sales@moeletsioabasotho.co.ls

### Newsroom

Nthabeleng Seithleko 57 665 038/ 68 216 721  
nthabeleng.seithleko@moeletsioabasotho.co.ls

Tšeliso Thakholi (Sports) 58 540 853/ 63 480 404  
tseliso.thakholi@moeletsioabasotho.co.ls

newsroom@moeletsioabasotho.co.ls

### Production Desk

'Mateele Liqa, Sr. Canicia Nthunya

# HO CHECHA HOA RAMO HASE HO BALEHA

## Powering down to power up

Litonnoro tsa Morero oa Metsi a Lihlaba tsa Lesotho le Setsi sa Phehlo ea Motlakase sa 'Muela, li tla koaloa **HO TLOHA KA KHOELI EA MPHALANE 2024 HOISA KHOELING EA TLHAKUBELE 2025**, ka lebaka la litokiso. Nakong ena, phetiso ea metsi ho tloha Lesotho ho ea Afrika Boroa e tla emisa, 'me le Setsi sa Phehlo ea Motlakase se tla sitoa ho fehla motlakase.

# RE TŠEHETSA BACHA

## Tšeliso Thakholi

**M**atsatsing a morao tjena bacha ba ikakhetse ka setotsoana likhoebong tse nyenyane tse ntseng li hola. Ba theha likampani ka bo-mong esita le ka boikopanyo empa seo boholo ba bacha ba llang ka sona, ke tlhokahalo ea tšebetso ea lichelete ho holisa le

poone e tšoeu le e tšehla le mabele ke Letlotlo John Molahlehi, eo e kileng ea e-ba moithuti ka Sekolong se Seholo sa Sechaba(NUL) lilemong tsa ho feta. Rakhoebo enoa ea ntseng a le mocha haholo litabeng tsa khoebo, o hlahetse Ha Ramohapi Seterekeng sa Mafeteng. O na le khoebo ea hae e tsejoang ka hore ke Garden of Eden. Khoebo ena e hlahisa mefuta e fapakaneng ea sethopo le thekiso ea lipeo tsa boemo bo nt-

'marakeng oa toropo ea Mafeteng le mapatlelong a eona. O boletse hore o sebetse kathata hoo lihora tsa hae tsa boroko li fokolang ha li bapisoa le tsa batho ba bang.

### Sebaka sa tšebetso

Khoebo ena ea hae ho fapakana le tse ling e sebetse lapeng habo hona Ha Ramohapi. Har'a tse ling tsa liqholotso tseo a kopanang le tsona e le rakhoebo e monyenyanane lilemong ke tlhokahalo ea basupisi ba temo. O re ka moo litaba li leng ka



ho matlafatsa likhoebo tsa bona. Ke 'nete 'muso o thehile ntho e bitsoang Sebatso, e reretsoeng ho khahlametsa bacha, empa e sitoa ho arabela litlhoko tsa bacha metseng le metsaneng moo ba phelang teng, bakeng sa likhoebo tsa bona kaha e sa ntse e thusa palo e fokolang haholo ea bacha.

Leha ho le joalo har'a bacha ba ikakhetseng ka matla a maholo ho holiseng khoebo ea hae ea tlhahiso ea sethopo, thekiso ea peo ea

lafetseng, tse amohelang maemo ohle a boemo ba leholimo.

### Ho thehoa ha khoebo

Khoebo ena ea hae ea Garden of Eden hofihlela hajoale e na le lilemo tse tharo e thehiloe, empa e ile ea khafutsa ka lebaka la seoa sa COVID-19. E boetse e qalile ka matla a maholo hona joale. Ho ea ka thaloso ea Molahlehi e bonahala e sebetse ka tsela e babatsehang kaha a atleha ho rekiset-sa lihoai tsa maemo a fapakaneng le batho ka bo-mong ba il' o rekisa ka

teng khoebo ena e tlii' o hola haholo ho feta mona kaha morero o mong oa hae ke ho e atolosa, ka ho ea bula lekalana la habo eona le lecha motseng oa Ha Tšepo Seterekeng sa Mohale's Hoek moo a tlang ho sebetse tšimong ea habo e kho-loanyane.

### Melemo ea khoebo

O bolela hore hara lintho tseo a ka li supang tseo khoebo ena e seng e li entse ke ho hira palo ea bacha ba tšeletseng ba nang le litsebo tse fapakaneng tsa temo,

ba neng ba lutse fatše ba sa sebetse. O boetse o thusa bana ba babeli ba hloakang, ho ba lefella chelete ea sekolo se phameng. Ba se ba koetlisitse bacha ba bane, ho itlhahisetsa sethopo sa maemo a holimo.

### Toro ea hae

Toro ea hae ke ho ba le sekolo sa hae sa koetliso ea tlhahiso ea lithopo le lipeo tsa boleng bo phameng seo e tla beng le sona sa pele sa mofuta oa sona, e le hore se tsebe ho thusa bacha ho ntlafatsa bophelo ba bona le ho matlafatsa chai kahare ho naha. Hajoale o na le bacha ba babeli feela bao e seng e ntse le lihoai ba ntseng ba le boikoetlisong.

### Malebela ho bacha

O eletsa bacha ho itahlela ka setotsoana khoebong tse fapakaneng, tsa boithatelo ba bona ba sa qobelloe ke maemo a renang a hajoale a tla le tlhobolo. Ba etse lintho ka lerato li tle li tsebe ho atleha. Ntho e kholo e hlokalalang ke ho arolelana litsebo e le hore likhoebo tsa bona li tsebe ho hola. Ba se ke ba potlakela ho rua kapele empa ba sebetse hore khoebo e hole. O re bacha ba tlohele ho iphathanya ka menate le maratano a ke keng a ba tsoela molemo oa letho, empa ba kene khoebong. Ba phathahangoe ke likhoebo tsa bona e seng ho hong. Ka holimo ho tsohle ba behe Molimo pele linthong tsohle!



# NUL e kena likapesong

**Nthabeleng Seitlheko**

**H**'a bua moketeng ona, o hlalositse bohlokoa le ho khetholoha ha mokete ona kaha ho ketekoa tjena Lesotho le ketekile

lilemo tse 58 tsa boipuso le lilemo tse 200 Morena Mo-shoeshoe I a thehile sechaba sa Basotho.

A re sena ke nalane e kholo ho sekolo le baithuti ba nkang mangolo a bona e le hore ba tle ba ithute ho aha le ho rata bo-bona e le Basotho le bochaba ba bona.

A re re kopane mona kamora matsatsi a se makae re tsoaile nalane ea naha ea rona ea Lesotho, 'me sena se tla lula e le sehopotso sa moo re tsoang.

Ka lehlakoreng le leng o tobokelitse bohlokoa ba thuto, a re mosebetsi oa NUL ke ho bona hore baithuti ha ba tloha ba ea sechabeng e

ba batho ba bohlokoa ba tla thusa Naha ea Lesotho ho tsoelapele.

"Ha le tloha sekolong mona le hopole hore ha le il'o lula feela empa tsohle tseo le li etsang li tla sebelisoa ho ntšetsa naha ena pele. Le na le litsebo tse ka thusang ho matlafatsa le ho etsa Lesotho le nang le bokamoso bo phethehileng." Ke Rabasotho eo.

A supa hore lithuto tse kang tsa temo li bohlokoa haholo kaha lefatše le se le phela ka lijalo tse tsoang masimong, 'me Lesotho le lona ha se mokhelo litabeng tsa ho bona temo e sebelisoa ho iphelisa.

A bontša hape hore nakong ena eo lefatše le phelang ka ho sebelisa marang-rang le Naha ea Lesotho e lokela ho sebelisa marang-rang le lona e se be mokhelo ho etsa mosebetsi oa baithuti ba tsoang likolong o be bobebe. O itse morero ke ho bona re na le lintho tseo le rona re le naha re li supang tse etsoang ke baithuti ba Naha ea Lesotho.

Motlatsi oa Mookameli oa Sekolo Prof. Olusola Fajane o hlalositse hore o motlotlo le ho leboha barupeli ba sekolo ka ho beha matla le litsebo tsa bona ho bona hore baithuti ba tloha ba e-na le litsebo tse khethehileng.

A re mokete oo ha se fee-

la oa ho fana ka mangolo ho baithuti empa ke ho keteka tlhoho le boitšepo ba baithuti lithutong tsa bona.

A bontša hore leha e le hore sekolo le baithuti ba tobana le lintho tse ka ba sitisang ho etsa mosebetsi oa bona hantle empa ba leka ka hohle ho iphapanyet-sa tsona. O re e le sekolo mosebetsi oa bona o moholo ke ho betla baetapele ba kamoso ba nang le lerato la naha ea habo bona le kutloelo-bohloko.

A re haele mona ba qala ka baithuti ba molao ho keteka, ba hlokomela le ho nkela hloohong mosebetsi o etsoang ke bo-ramolao haholo litabeng tsa ho ikobela molao le ho thibela litlolo tsa molao. A re Naha ea Lesotho e hloka batho ba emelang toka le tlhomphe ea litokelo tsa batho ntle le tika-tiko.

Lebitsong la baithuti tlasa lithuto tsa Molao Tselane Lucia Monoto, o re ba motlotlo e le baithuti haele mona ba nka mangolo a bona. A re hona ke qaleho ea lintho tse ntle tseo esale ba li emela hore le bona e le bacha ba Naha ea Lesotho ba tliil'o kenya letsoho ntšetsopeleng ea naha.

Ke baithuti ba bane ba fumaneng likhau, e leng Nkhahle Mamosa ka likhau tse robeli, Monoto Tselane ka likhau tse peli, Majoro Letšela ka khau e le 'ngoe le Tiiba Sekoati ka khau e le 'ngoe.



# Lihlahlobo li'a qala

**Nthabeleng Seitlheko**

**L**ekhotla la Lihlahlobo Lesotho (ECoL) le ipiletsa ho litichere ho emisa ho kena-kenana le pampiri ea lihlahlobo pele e qala ho ngoloa ho qoba hore sekolo se tle se behelloe ka thoko ho lihlahlobo. Litaba tsena li boletsoe ke Mookameli oa ECoL, Dr. Mokhitli Khoabane ka la 7 Mphalane monongoaha.

Litaba tsena o li bole-tse tjena, h'a ne a thakholala semolao, lihlahlobo tsa makhaola-khang tsa sehlopha sa 11, 'me a bontša ha ba tsitlalela hore likolo li nepe tsela ea tšebetso ea lihlahlobo ka hoo ba ile ba koetlisa litichere le baokameli ba likolo ho bona hore ba utloisisa hantle ka litaba

tsa tsamaiso ea lihlahlobo, melao e li tsamaisang le mekhoha ea boitšoarolo molomong oa hore likolo li tle li ikamahanye le melao e tsamaisang lihlahlobo.

A ipiletsa ho sechaba le barutoana ba ka bonang ho na le se etsahalang ho ba hlabela patsana. O re lithuto tse tla ngoloa li 25, 'me tebello ke hore moithuti a khethe lithuto tse 6 ho isa ho 7. A re litichere tse tla fumanoa li tsoile melao tlase li tla nkeloa likhato.

Mookameli oa Mokhatlo oa litichere LTTU Letsatsi Ntsibolane, o itse ba lakaletsa baithuti bohle ba ngolang lihlahlobo tsa bona katleho, ha ho bonolo empa ba sebetse ka thata etsoe a lumela hore litichere li entse mosebetsi oa tsona.

O ipilelitse ho litichere ho ipapisa le melao ea tsamaiso ea lihlahlobo le ho bona

hore ba hlomphe melao eohle. Ho feta mona o itse ho bohlokoa hore Lekala la Thuto le Koetliso le ke le nt-

lafatse manane-thuto hore e ke be a arabelang lithoko tsa hona joale tsa thuto.

A re ba bone hore a hokahana hantle le lithuto tse etsoang Likolong tse Phahameng le tsona ka

hoo le tsona li ntlafatse manane-thuto, hore thuto e bonahale e le molemong ho baithuti ba naha ena, ba sa rutehe feela ho ba le mangolo empa ba etse mesebetsi e ba phelising.



# Banana ba tšehetsoe

## Nthabeleng Seitlheko

**B**ana ba banana ba lokela ho tšehetsoa ka litse-la tsohle ho sa natsoe boleng le chebahalo ea bona, seo se ka thusa ho aha sechaba se nang le boitšepo. Litaba tsena li boletsoe ke mothehi oa Pheku Foundation, Secha-ba Pheku ka la 7 Mphalane monongoaha.

O re mosebetsi o moholo ke ho arabela qholotso e tobileng bana ba banana ba tlokotsing, ea ho hloka mesangoana ea boitlhoekiso nakong eo ba leng linakong tsa bona. O re ketso ena ke ho aha bokamoso ba ngo-

an'a ngoanana, kholo e ntle le boitšepo ka linako tsohle.

O itse ha ba rate bana ba ka sulafalloang ke matsatsi a tlholeho ao ho seng mang kapa mang ea ikhethelang ona, ka hona motho o lokela ho tsoelapele ka mabaka a hae nakong ea boitlhoekiso. Ke bana ba 11 ba uneng molemo oa mesangoana ea boitlhoekiso le sesepa.

O re qaleho ea ho ea linakong ke nako eo ka eona banana ba lokelang ho ba makhetha kaha ba fetohela mokhoeng o mocha oa bophelo ba boroetsana. O re sena se ba thusa ho ikemela hobane ba fuoa thuto ka mekhoha e nepahetseng ea boitlhoekiso.

A re limpho tsena li

bohlokoa le tikoloho e loke-la ho nka boikarabello ba ho hlokomela bana ba banana hore ba tsebe ho hola ka tsela e nepahetseng. A tsoelapele ho bontša hore bofuma ke e 'ngoe ea lintho tse etsang hore bana ba qetelle ba nyahlatsa le sekolo hobane ka linako tse joalo ba se na seo ba ka se sebelisang ho ithloekisa.

Khunoane Seroki eo bana ba hae ba uneng molemo ona, o itse nakong eo moroetsana a bonang linako tsa hae ke nako e kholo ea phetoho ea bophelo eo ka eona a kopanang le liqholotso tse ngata. A re bontate ba lokela ho tšehetsa bana ba banana haholo ba tlokotsing ho bontša tširelet-



so ho bona.


A re mesangoana ena e ba thusa hore ha bana ba filoe e meraro e be e le batsoali ba tlatsetsa ka e meng, 'me ha ba iphumana ba eba le khaello, ba se ba lula ba ba hlophetse.

H'a phethela o lebohile Pheku Foundation ka ketso ena eo a supileng e fetotse bophelo ba bana ba banana ba bangata, hobane ha ho sa na bana ba lofang sekolo hobane ba se na lisebelisoa.

## Going through a problem vs going to a problem

**W**hen we go through something we have an understanding that no matter how difficult it is that we go through, it is only temporal. No matter how long the moment will last

there's always a glimpse of hope that the moment will eventually be gone. In this case, we journey through the challenges driven by hope and a sense of believe that however bad it may-



be, one day it will all be in the past.

As we work, our efforts are such that we push through the problem hoping for better days, here all we take is experience and whatever lessons the challenges have to teach.

It is at this point where growth and anticipation meet each other. Hope and believe are an integral part of this stage of our lives. However, going to a problem is like

going to a dead end, where there's no hope of survival. Looks more like waiting for death due to an ailment doctors can't do anything about. In life as people we have a choice to make in terms of how we treat the challenges we face, it is a question of whether we want to feel like we are going through whatever it is and then push through with hope and anticipation or think we are heading to a problem, loose hope, living in the world if despair. The reality of our lives is in our perception.

**Teboho Matjeka 63574502/58911803**

**Date:**  
02/11/24

# Water your love

...speak his/her love language

## COUPLES

HOST: Teboho Matjeka

**DAMAGE:**  
01 AUG. - 20 SEP: M300.00  
21 SEP - 20 OCT: M350.00  
21 OCT - 2 NOV: M400.00

**Bookings:** Mpesa: 58911803 /  
Eco-cash: 63574502

**Place: Mafeteng**  
➔ **GOLDEN HOTEL**

**Time**  
➔ **1000HRS-1200HRS**



# 'Muso o tsoma batseteli

## Nthabeleng Seithleko

**L**etona la Temo le Kanetso ea lijo, Mohlomphehi Thabo Mofosi, o re lekala la habo le tsoere ka thata ho bona hore litaba tsa temo li'a ntlafala le ho tsebahala ka hohle-hohle molemong oa ho hohela bo-ramatsete. O boletse 'mokeng o neng o tsoaretsoe ba nang le kobo ea bohali litabeng tsa temo, ka la 7 Mphalane monongoaha.

O re lekala la habo le khethile mefuta e mene ea likhoebo tsa temo ho ea li hlahisa kapele ho bo-ramatsete 'mokeng o tlang tsoaroa khoeling ena Rome, Italy oa Mokhatlo oa Lijo oa Lefatše (FAO). A re mefuta ena e kenyeletsa leruo la likolobe, likhoho, hlapi esita le peo ea litapole.

A re sepheo ke ho bona hore na ha ba rekisa leano lena ka ho fereha bo-ramatsete na ba ka khahloa ke ho tsehetsa mefuta ena le ho tsetela temong Lesotho mona.

"Leha temo e na le bokhoni ba ho bokeletsa lekeno Naheng ea Lesotho, ho bonahala e ntse e theoha hanyane ka hanyane, 'me e tseba feela ho etsa tšelela lekholong moruong le tlhahisong eo naha e e etsang ka selemo." Ke Mofosi eo.

O re maemo a temo a renang ha joale a bonahala ka tlhahiso e fokolang eo eleng sesosa sa tsamaiso e fosahetseng ea mobu e etsang hore ho be le tšenyoyo. O itse temo ke khoebo e nang le monyetla oa ho nyolla moruo oa naha ha e ka eloa hloko, kaha e hlahisa mesebetsi e meng e mengata.

O bontšitse ha lintho tsa bohlokoa haholo temong tse lokelang ho behoa leihlo e le khoholeho ea mobu, tšebeliso e fokolang ea mahlale, lipatlisiso, boqapi le phetoho ea boemo ba leholimo har'a tse ling, 'moho le tšehetso ea lichelete hore temo e tsoelepele ka katleho.

A re Lesotho le hloka ho batla bo-ramatsete, haholo ba tlang ho nka karolo

'mokeng oona, 'me a re o reretsoe ho ntlafatsa temo ka kakaretso kamor'a moo.

A re sena e ntse e le hore Lesotho le phethahatse Liphelelo tsa Mokhatlo oa Machaba tsa Moshoelella tsa Ntšetsopele (SDGs), pehelong ea pele le ea bobeli tseo tsona li buang ka ho fenyha tlala le bofuma ka selemo sa 2030.

Leano le sebetsang bakeng sa lefapha lena ke ho holisa tlhahiso ea lijo le ho ntlafatsa limmaraka, ho aha marang-rang a nepahetseng bakeng sa temo.

O bontšitse hore leano le boetse le kenyeletsa ho lokisa taba ea hore lihoai li be le monyetla oa ho fumana lisebelisoa kaha ba eleloa hore ba hloka tlatsetso ea batho ba bang hobane bohlahe ha bo ahele ntlong e le 'ngoe le hore hape letšoele le beta poho.

Ho sa le joalo, Mollata-Setulo oa Mokhatlo oa Lihoai, Maseru, Monghali Sempe Makhaola, o itse lihoai li hloka tšehetso ea lichelete ho ntlafatsa temo Lesotho. A re kopano ea FAO, Rome ba lebeletse

hore e tle e ba tsoalle namane e tšehali kaha ba hloka hore temo e tlohe boemong ba ho ithlahisetsa hanyenyane, empa e be boemong ba thekiso ea lihlahisoa kahare le kantle ho naha.

A re ka lebaka la tlhokahalo ea lichelete lihoai ha li atlehe ho hlahisa haholo, 'me li hloka thuso ka lebaka la khaello ea lisebelisoa esita le mekhoha e bobebe ea ho fumana mekhoha ea ho alingoa chelete.

A re e ntse e le qholotso ho tsona ho tseba ka monyetla ea ho fumana tšehetso ea lichelete kapa ea mofuta ofe kapa ofe, hobane tsebiso ea litaba tse joalo e sa pharalle le naha.

A re tse ling tsa litsi tse fanang ka tšehetso ea lichelete li beha lipehelo tse boima bakeng sa lihoai, 'me li qetella li sa fumane tšehetso hobane li se na chelete.

E mong oa lihoai Tefo Raseisa, ea hoebang ka ho hlahisa poone le meroho, o bontšitse hore ba na le qholotso tse ngata tse

kenyeletsang tlhokahalo ea tšehetso ea lichelete.

A re libanka li hana ho ba tsehetsa ka chelete hobane li re temo ke ntho eo ba se nang bonnete ba hore e tla ba buseletsa ka lebaka la maemo a fapaneng a e amang, a kang phetoho ea boemo ba leholimo.

A re e le lihoai ba ntse ba hula ka thata le hoja ba rata ho iphelisa ka eona le ho fepela mabenkele empa ho latela lipehelo ho ntse ho ba thata.

Mookameli oa LENA-FU, Khotso Lepheana, o hlalositse hore lihoai li hloka tšehetso ea thepa, chelete, pebofatso ea melao le lipehelo tse bobebe libankeng hore ba tsebe ho fumana chelete 'moho le mokhatlo oa habo.

O re ha ho na ntho e ka phethahalang ka thoko ho temo ka lebaka leo e tšehetsoe ka lichelete ho sa natsoe hore motho o boemong bofe kaha ba hloka khohle le ntlafalo ea lihoai e tla thusa kholong ea moruo le tlhahisong ea mesebetsi.

# Sebabatso bacheng



## Nthabeleng Seithleko

**B**atho ba nang le bokooa ba kutlo ba tobane le qholotso ea ho se kenelle lintlafatsong tsa naha haholo likolong le likhoebong, sena se etsa hore ba salle morao kapa ba fetohle sechaba se se nang molemo. Tsena li boletsoe ke Kelebohile Mavuso, ea nang le bokooa ba kutlo le puo, ka la 8 Mphalane monongoaha.

O re bacha ba nang le bokooa ba puo le kutlo ba na le tlhoko joaloka ba bang ba kenyeleletsoe liqetong tse kholo, ka hoo 'muso o sebeletse ho bona

hore ho ba le litloko tsa puo mesebetsing eohle ho sa natsoe boholo ba eona. O re joaloka batho ba nang le maikutlo ba rata ho mameloa hape fumane lithuso joaloka bacha ba bang ha bonolo.

O tsoetsepele hore kahar'a bona ho boetse ho na le bacha ba se nang litsebo ho hang, le bona ba lokela ho shejoa ba se ke ba lebaloa molemong oa kholo ea sechaba se nang le bokamoso ho se khethollo.

O re kahar'a khoebo eo a ratang ho e etsa ke ho bona puo ea matsoho e anela sechabeng ho felisa liqholotso tseo batho ba nang le bokooa ba



puo le kutlo ba tobanang le tsona.

O itse o hlokometse sekheo

se teng lipakeng tsa litichere le baithuti ba nang le bokooa ba puo le kutlo ka hoo ha ba

ka iphumana ba na le mokhoa o bonolo oa ho ruta o lumela hore litichere li tla tseba ho etsa mosebetsi ka matla, le baithuti bao ba tla tsoeella lihlopheng joaloka ka ba bang. Mavuso ea keneng morerong oa Sebatatso o supile a rata ho bona ba e-na le boiphihlelo joaloka bacha bohle khoebong le tsamaisong hore bana ba holang ba e-na le bokooa ba puo le kutlo ba nolofalloe ke ho fumana thuto ea boleng, kaha ba tla be ba keneletse likolong ka ho phethahala.

E mong oa bacha ba bileng thupelong ena Zamani Makoe, o hlalositse hore koetliso eo ba e fuoeng e ba file monyetla oa hore ba fumane batseteli likhoebong tsa bona, ba li ntlafatse le ho li matlafatse. A re ba boetse ba rutiloe ho nka boikarabello bo matla ho bona hore khoebo tsa bona li'a ba phelela.

A re ho bohlokoa hore bacha ba nke monyetla ka lithupelo tse kang tsena kaha li sa lefelloe, ba tlohe moo ba teng ba tlo nka mohlala ho bacha ba bang oa ho iketsetsa le ho bona hore ba atleha khoebong tsa bona.

O re ha esale nako ea ho lebella ho fua empa ke nako ea hore bohle ba eme ka maoto ho iketsetsa leha ba ka imeloa ha kae empa o lumela hore qetellong ba tla atleha.

## Nthabeleng Seithleko

**M**otsamaisi oa Liboka ho hlahla Lekhotle-ling la lipolotiki la HOPE, Paballo Maqala, o re ba chaela monoana ngoliso ea bakhethi e ncha ka marang-rang kaha naha e lokela ho ikamahanya le lipheto ho le ho ntlafatsa ts'ebetsong ea eona. O boletse tsena puisanong le Koranta, ka la 9 Mphalane monongoaha.

O re ngoliso ena e monate kaha e etsoa ka marang-rang ao batho ba bangata ba nang le eona, ebile e etsoa ho sebelisoa likarete tsa boitsebiso tse netefalitseng hore e fela e le tsa batho ba joalo kaha li na le mekhoha ea polokeho ho tsona. A re likarete tsa likhetho

# HOPE e babatsa IEC



li feletsoe ke nako ka hoo hona ho bonts'a boikemisetsa ba Komisi e Ikemetseng ea Likhetho (IEC) ba ho fetola bophelelo ba sechaba sa Basotho ho bona hore likhetho tsa naha ena e ba tse lokiselitsoeng ka nako kaha ngoliso e le ntho e nkang nako e telele.

O re ho boetse ho tla ba le ponaletso ts'ebetsong ena kaha joale batho ba se na ho ngolisetsa ba bang hobane mechine ha e na ho ba lumella. O re ba lumela hore ts'ebetso ena e qalile ka nako e nepahetseng kaha e tla thusa IEC ho lokisa moo liphoso li ka bang teng.

O phethetse ka ho ipiletsa ho bacha ho ikamahanya le lipheto ho le litaba tsa naha kaha tsohle nakong

e etlang li tlo ba boikarabellong ba bona, ka hoo ba lokela ho ithuta le ho bona hore lithoko tsa bona li'a arajoa joalokaha IEC e tlele boemong ba bona.

Ho sa le joalo thutong e neng e fanoe ho baqolotsi ba litaba ke IEC, Raliphatlalatsa oa IEC Tuoe Hants'i, o ne a hlalose hore lenane la bakhethi le se le na le lilemo tse 23 le sebetse, ka hona le na le liphoso tse ngata ka lebaka leo komisi e ile ea ikeletsa ho etsa ngoliso bocha ea bakhethi.

Batho ba lebetsoe ho ingolisa ka marang-rang a bona kapa ho etela liofisi tsa ngoliso ea bakhethi, ha ho boetse ho tla ba le batho ba tla potoloha le metse ho ngolisa sechaba, ha lipitso li le teng kapa moo ho nang le meketjana e kopantseng sechaba.



# ABC e ikhantša ka likatleho

## Nthabeleng Seitlheko

**L**ekhotla la Kobo-Ta-ta ea Basotho (ABC) le hlalosa le ile la sebetša ka thata ho fenyā tlala le bofuma kahar'a sechaba, ho tloha le thehiloe ka selemo sa 2006. Tsena li boletsoe ke Mongoli oa Liphatlalatsa le Likhokahanyo oa ABC Mphonyane Lebesa, pui-sanong le Koranta ka la 9 Mphalane monongoaha.

O re ABC ka lepetjo la eona la "sera sa motho ke tlala" le atlehile ho lokisetsa baitšokuli libaka tsa bona tsa ho rekisetsa le ho rekisetsa mapatlelong ka bolokolohi, ba boela hape ba ekeletsa basebetsi ba lifeme ka 37%, ba atleha ho ekeletsa maqheku le maqhekoana meputso ka M150.00 le ho hlahloba bocha meputso ea bahlanka bohle nakong ea puso ea bona.

Lebesa o re ba tsamaea kahar'a sechaba ba phamisitse lihlooho ho se likola tse ka mahlong ka lebaka la liemahale tseo ba li supang tšebetso ea bona, hara tse ling ba atlehile ho aha lifeme tsa Ha Belo Seterekeng sa Butha-Buthe, lifeme tsa Ha Tikoe le 'maraka o rekisang lihla-

hisoa tsa Basotho.

A bososetse o itse ABC e ne e se lekhotla e reretsoeng ho utloisa sechaba bohloko empa ntho e kholo e ne e le ho matlafatsa bophelo ba sechaba, boo ba ileng ba atleha ho bo fihlela, joaloka ka keketseho ea khaho ea litsela tse tla thusa ho hokahanya metse le litereke tsa naha. A re har'a tsona, ke khaho ea Mpiti Sehlabathebe, tsela ea Marakabei Monontša, khaho ea tsela Ha Tikoe, khokelo ea

motlakase metseng e fapaneng le khaho ea Tanka ea metsi Aupolasi.

H'a tselapele o itse ba motlotlo ke tšebetso ea bona kaha leano la ho hlola tlhokahalo ea mesebetsi pu-song ea bona ba e phethahalitse ka ho thehela bacha Morero oa Lihala-hala, oo bacha ba neng ba ingolisa ba hiroa ke likhoebo tse fapakaneng ho fumana lilemo tse peli tsa boithuti, 'me hara bacha bao ba bang ba sebetša libakeng tse kang

mafapheng a 'muso le likhoebong tse ikemetseng. O re morero ona o ne o theoe ho khahlametsa baithuti ka litsebo tsa mesebetsi nakong eo ba phethetseng lithuto hobane e ne e-ba bothata hore ba fumane mosebetsi ntle le litsebo.

O ekelitse ka hore ba ile ba theha morero oa ho rekela lihoai linku tse ntlafalitseng tseo e neng e re ha li se li atile ba reke ho sehoai se joalo ho ntlafatsa boea ba Basotho hore ebe ba bo-

leng, ha ka selemo sa 2012 tlhahiso ea lijo thollo haholo poone e ile ea phahama.

A re ba boetse ba sebetša ka thata ho sebetšana le toantšoa ea bosholu ba liphoofole le bobolu bo neng bo tjametse naha ena, hobane batho ba ne ba iketsetsa borata le ho senyetsa naha. O re ba ile ba atolosa maqhubu a Li-ea-le-moea hore a fumanehe hohle, Basotho bohle ba be leseling la litaba "Re motlotlo ke taba ena." Ke lebesa eo.

H'a joale ba shebile toro ea bona le ho bona hore ba itlhophela leeto le lecha la ho leba likhethong tsa 2027, litaba tsa bona li khutletse boemong boo ba bo hlo-

kang. A re ba kene morerong o moholo oa khaho bocha ea moralo oa tšebetso, ba kenyelelitse mafapha ohle ka ho fuputsa moo ba ileng ba fosa le hore ba ka lokisa kae, 'me ABC ke mokha oa pele oa ho kena mokhoeng ona oa tšebetso.

H'a phethela o itse lebitsong la ABC le boetapele ba eona ba leboha mothehi oa eona Dr. Motsoahae Thomas Thabane le bao a sebelitseng le bona hore o ile a ba le pono ena, ka hoo ba tla sebetša ka thata hore e hole e ntlafatse bophelo ba Basotho.

## Litokelo li sireletsoa ke molao-Ntšonyana

### Nthabeleng Seitlheko

**T**lhomphe ea Litokelo tsa Mantlha tsa Botho ke karolo ea bohlokoa e ka thusang Naha ea Lesotho ho hlaha hantle machabeng. Litaba tsena li boletsoe ke Moetapele oa Lekhotla la Lipolotiki la YES Molefi Ntšonyane, pui-sanong le Koranta ka la 8 Mphalane monongoaha.

O re Naha ea Lesotho e sa le morao litabeng tsa kutloisiso ea Litokelo tsa Mantlha tsa Botho le ho itebala hore tsamaiso ea puso e kahar'a selikalikoe sa puso ea sechaba ka sechaba. O re re naha e lokelang ho etsa eng kapa eng e shebile litumellano tsa machaba, litokomane tseo naha e li tekenelang machabeng le boitlamo ba eona.

O re litaba tsena o re li sa-loe morao hobane masole a ntse a hlokoletsa Sechaba

eleng ho hlokoletsa Basotho bolokolohi, le hoja litaba tsa Litokelo tsa Mantlha tsa Botho li kolla tlasa molao oa naha ka hoo li lokela ho hlompheua ke batho bohle.

Ntšonyane o re naha e sa hlomphe Litokelo tsa Mantlha tsa Botho e ikamoha seriti, 'me taba eo e tliša tšilafalo le ho koalla Basotho menyetla hohle moo ba ka e fumanang, hobane e fana ka letšoao le lebe la tlhokahalo ea khotso.

O re ho bohlokoa hore baetapele ba pusong ba sebetse ka puso ea sechaba ka sechaba e se Litsi tsa Tšireletso ho hlokoletsa sechaba kaha taba eo e le karolo e thefulang boleng ba naha, kholo ea eona le ntlafalo ea eona.

A re ketapele e teng litulong ha e ntse e etsa lintho e hlokomela hore tse ling tsa lintho li khutlela ho bona kamor'a nako, ka hona ntho ea bohlokoa ke hore sepolesa se fuoe monyetla oa ho etsa mosebetsi oa sona eseng sesole se etse

mosebetsi o joalo.

O itse 'muso o tlameha ho hlomphe Molao oa Motheo e le hore sechaba se etse ho tšoanang. A re maparamente mosebetsi oa bona ke ho etsa melao, ho lisa tšebeliso ea lichelete tsa

sechaba le ho li aba. A re ho bohlokoa hore sechaba se se laole paramente kapa ho e tsamaisa kaha matla a sona a fella nakong eo ba neng ba fana ka thomo ho maparamente.

H'a phethela o re taba ea ho se ikemele ha paramente e tla qetella e etsa bacha ba tšabang ho tla lipolotiking kaha li fana ka litšoso ho bona. Hae ba tla tšaba lipolitiki ka lebaka la

lipolao tsa batho hobane ba tle ba hloka mokhoa oa ho ikemela kapa ho itoanela.

A re Naha ea Lesotho e lokela ho loanela puso e ntle, e nang le botsitso, phano ea litšebeliso le kabo ea mesebetsi e nang le ponaletso. O re e bang ba pusong ba ikabela ka sohle hoo ho tla thefula kholo ea naha le ntlafalo ea Sechaba, haholo kholo ea bacha khoebong.





# TSA KEREKE

## 2 milione leetong la thapelo

### Staff

**B**akriste ba Kereke e Katholike ba ka bang 2 milione ho hlaha ka litikoloho tsohle tsa Naha ea Argentina le mathoko a eona, ba bile leetong la thapelo Se-fikeng sa Mofumahali oa

oa ho qala ho aha bonngoe ba sechaba boo re bo labalabelang ke ka hoo re tllileng leetong la bolumeli, ka maikemisetso a rona ho Maria ka boiphihlelo, bonngoe le thabo.”

Aqotsa molaetsa oa batho ba neng ba hanyetsa leeto la pele la bacha ho Mofumahali oa Lujan: “Bohato ka ‘ngoe boo re bo hatileng ho fihlela joale, re bone hore ke eng ho batho ba tsamaeang

hore ke karolo ea batho ba Morena Molimo ba Naha ea Latin Amerika.

H’a fihla maotong a Mofumahali oa Lujan o ile a bua ka boemo ba Naha ea Argentina moo a neng a kopa Mofumahali oa Lujan ho ba thusa ho ba ntša maqakabetsing a mangata ao ba kopanang le ona. A qetella ka ho ipiletsa ho bohle ho tsoela pele ho rapella mathata a naha ea



Lujan, tlasa mohoo o reng, “M’e tlasa tlhokomelo ea hau re batla bonngoe.” Lee-to lena leo e leng karolo ea bo-50 ea leeto la bacha le bile Buenos Aires, Argentina ka la 8 Mphalane 2024.

Leeto lena le qalile ka la 5 Mphalane ka mokoloko oa thapelo oa bolelele ba 37Km. Tseleng bakriste ba ne ba fumana lithohonolofatso ho tsoa ho baprista, tšehetso ho tsoa ho baithaopi le khotatso ho tsoa ho lihlopha tsa ‘mino tse tsoang liprofinsing tse fapaneng tsa ka bophirimela ho Buenos Aires.

Litlaleho li supa hore hang ha bakriste ba fihla Kerekeng ea Mofumahali oa Lujan, ba ile ba atleha ho ea ‘Misseng e fapaneng ho latela ka moo ba neng ba hlophiselitsoe ka teng. Khubu ea Sehlabelo se Halalelang sa ‘Missa, oa bakriste bohle o kenyeletsang le baeti o bile hoseng ha Sontaha, ‘me o ne o etelletsoe-pele ke Moarekabishopo oa Buenos Aires, Mobabatsehi Jorge Garcia Cuerva ea ileng a fihla a ntse a tsamaea ka maoto ho tloha St. Cajetan Shrine.

Mobabatsehi Cuerva h’a bua le Mofumahali oa Lujan o itse: “Uena ‘m’e ua re kopanya, u na le motheo

hammoho ho fihlela sepheo sa bona sa tokoloho le hore

habo bona le ho a fumanela tharollo le ho beha bophelo



re tšepahale. Ke ka hona re tllileng.” A re bacha ba utloisisa ka mokhoa o hlakileng

ba bona ho Mofumahali oa Lujan.

**-CNA-**

### Thapelo ea Basotho

**‘Mopi, Hlahlamacholo, Ramaseli, Rammoloki Atla li maroba, Atla li marotholi a pula, Atla li tsoeu tsa Rammoloki, Li tsoeu ke ho bopa masea, Hobane bohle re ‘mopo le mosebetsi oa matsoho a ona. Hlahlamacholo hlahla metsi o’a etse keleli ea sehla sa Mariha, Hobane ka keleli u nchafatsa lichaba teng, Lichaba li tsoang ho uena ‘mopong, Li tlang ho boela ho uena meahong. Ba meolimeololo, ba lumang lingope ho theleha. Ntšang tsoeu le nehe ‘Mopi le tle le bone ha ‘Mopi o thaba, Hobane Baholo-Balimo bona ba thabela likhalapa. Ba re ho be ho soeu, ho be malola, Ho be hele-hele pele le morao. Ho iloe kae ke Bo-ntate-moholo le Bo-nkhono ho sa keng ho khutloa, Ho iloe ha sekoti ha se tlae. ‘Maakane joo! Ka ‘Mopi ra le bona.**

**‘Mopi oa Ramosholu-shololo litsohali Bo-nkhono ke bana ba labalabela matlala. Matlala b’a bona ka’ng a anetse, b’a bona ka ho theha mekhanya liphatleng tsa bona. Malataliana-tsela ngoana Rae e moholo ke mang, pitsana ha e na khobe, le e ‘ngoe ha e na khobe. Qhaqholla u re qiti! Moshanyan’a sankatana le kholumo-lumo. Ho iloe kae ke bo-Mmabana, ba ile masimong.**

**Ba siile masea ka liotloaneng. Liotloana tseo ha li hole li sireletse masea. Ka bona Bo-ntate-moholo le Bo-nkhono ba lutse ka shoalane molong le litlohotloholoana tsa bona ba li etsetsa litšomo tse monate;**

**Bo-limo le Tselane ka ba ka utloa ha ba ba etsetsa liliotho tse monate; bo-mmenthele o hlotse baruti.**

Leseli! Khanya!

## 2023-2024 SELEMO B

### Sontaha sa 28 har’a selemo



**Bohlale 7,7-11**

**Pesalema 89**

**Ba-Heberu 4,12-13**

**Mareka 10,17-30**



### Khotatso

### Ke ets’eng ho fumana bophelo bosafeleng?

Monna eo hantle o ne a botsa Kriste eng? Hore na o fumana bophelo bosafeleng joang, kapa hore na a ka kena ‘Musong oa Morena joang kapa a ka pholoha joang? Karabo ea Kriste e bua ka hore ho tla ba thata hore barui ba kene ‘Musong oa Morena (Mareka 10:17), ‘me ho hlakile hore eena o na bua ka ‘Muso oa Morena. Barutuo ba hae bona ba botsa hore na ke mang ea ka pholohang (Mareka 10:26) taba ea bona e ne e le pholohong. Ho bohlokoa hore le tsebe phapano lipakeng tsa bophelo bosafeleng le pholoho hobane ba lihlang ba na le bophelo bosafeleng e se pholoho. Monna enoa o na botsitse potso ea hae hampe, feela a fumana karabo e nepahetseng. Kriste ka ho tseba lipelo tsa bohle o tsebile hore monna eo o batla ho tseba ka tsa ‘Muso oa Morena, e leng pholoho.

Morero oa Pholoho o na le lintlha tse ‘maloa, ea pele ke grasia ea Molimo Ntate ka matla a Moea o Halalelang moo bohle ba bilelitsong ho Kriste Jesu. (Titus 2:11) “Ha ho na eo le ka pholohang ka eena, hobane ha ho lebitso lefe kapa lefe tlasa khoeli le linaleli le ka le pholosang.” (Liketso 4:12) Bakriste le ke ke la pholosa ke bophelo bo botle, ho rapela kapa ho kopa thuso ho bahalaleli. Ho feta Kriste o ea ho Ntate le hona ho ke ke ha thusa hobane Ntate o fane ka taelo ea hore bohle ba tla tla ho eena ka Mor’a Inotši oa hae.

Ea bobeli, kamor’a ho amohela Kriste bophelong ba lona li biletsoa ho hlatsua e le hore le be litho tsa ‘Mele oa Kriste lefatšeng. Empa pele le amohela tlhatsuo le lokela ho furalla libe tsohle tsa lona tsa pele. Nakong ea tlhatsuo Lentsoe la Morena le bohale ho feta sabole e sehlang ka mahohle, le tseba ho arola nama le moea. Nakong eo ho phethala mantsoe a Testamente ea Khale (Ezekiele 11:19-20) re tsoetse hape ka metsi le moea. (Joannes 3:3, 5) Bophelo ba khale ba moea bo’a shoa ‘me bo bolokoa le Kriste, ebe re tsosoa le eena bophelong bo bocha. (Ba-Roma 6:4; Ba-Kolose 2:12)

Bana b’eso ha ho motho ea ka fumanang pholoho habobebe, ebile ho ka ba bobebe ho kamele ho feta lesobeng la nale. Maruo ohle a lefatše a le hulela thoko haholo le lipallo tsa lona ho Morena, ho bana ba habo lona, meea ea lona ‘moho Kereke. Thuto ea Pele e bua ka leruo le fumanehang bohlang, bo leng bohlokoa ho feta bophelo, botle esita le khanya. Khanya ea bona e re lebisa ho Kriste Jesu eo e leng tsela, ‘nete le bophelo. (Joanne 4:6) Bohlale bo re tataisetsa Lisakramenteng tsa Kereke tse re lokafatsang le ho re hlohonolofatsa ka mpho ea pholoho. Ntle ho bona re lifofu moeeng, bofofu boo bo re etsa linku tse lahlehileng tse ka jeoang ke liphiri.

Bekeng ena ha re ipotseng potso ena, “Nka etsa’ng ho fumana bophelo bosafeleng?” empa e se bo isang lihlang. Ke bua ka bophelo bo isang pholohong le ‘Musong oa Morena Molimo. Bohle ha re kopeng Molimo ho re fa mpho ea bohlale bo ke keng ba fela, e le hore re se tlohe tšepeng e halalelang ea hae. Morena Molimo a fe e mong le e mong oa lona melemo le maruo ohle.

## Bahalaleli har’a Beke

- |    |          |             |
|----|----------|-------------|
| 14 | Mphalane | Callistus I |
| 15 | Mphalane | Flavia      |
| 16 | Mphalane | Kiara       |
| 17 | Mphalane | Mamelta     |
| 18 | Mphalane | Luke        |
| 19 | Mphalane | Eadnot      |

# Litebelele li tlisa tšepo

## Tšeliso Thakholi

**S**ehlopha sa Naha sa Papali ea Litebele se bopiloeng ka libapali tse robeli, se ikutloa se tletsoe ke tšepo le ho ba morolo, pele se fetela litholisanong tse kholo tsa machaba tsa World Boxing Championship, tse tllilo tšoarelola Budva, Montenegro ho tloha ka la 20 Mphalane ho isa la 6 Pulungoana monongoaha, kamora hore libapali tse nyenyane tsa papali ea litebele, li ipabole ka ho hlaha maemong a pele lipapaling tsa National Youth Games tse bileng Maseru mafelong a matelele a phomolo ea Boipuso.

Pele sehlopha sena se itokisetse ho ea e hlana-ka Montenegro, ho bile le libapali tse peli tse ileng tsa ipabola ka papali ea tsona e tsoileng matsoho, e leng Thabang Motlom-

elo oa boima ba 60kg ka ho bahlankana, ha ka ho banana e bile Puseletso Tsuinyane oa boima ba 50kg. Athe ka kakaretso liloani tse hlahileng boemong ba pele ke Tumisang Siimane le Lintle Moeketse.

Kamor'a lipapali tsena sehlopha se tllilo tsamaea ho ea tlela Basotho tiholo se bopiloe ka bahlanka ba bane e leng Keketso Maepe oa boima ba 48kg, Reabetsoe Mokhitli oa boima ba 54kg, Tefelo Khoarahla oa boima ba 57kg le Leshoboro Lerotholi boimeng ba 71kg. Haele ka ho baroetsana ke 'Masentje Tjamela oa boima ba 50kg, Realeboha Segoete oa boima ba 57kg, 'Matšepo Mohato oa boima ba 63kg le Reitumetse Mokoma ka 66kg.

Libapali tsena li tsamaea le liofisiri tse tharo e leng Tieho Ntulo, Diamond Lengola le Velaphy Snyman. Ho ea ka Raliphatlalatsa oa

Mokhatlo oa Lesotho oa Papali ea Litebele (LBA), Letšasa Taole ha ba ka ba e-ba le lipapali tsa setsoalle tsa boitokiso ho tsoa linaheng tse ling, empa lipapali tsena tse tsoa feta li ile tsa ba thusa haholo kaha ba ile ba

li sebelisa e le tsona tsa boitokisetso ba bona. A re sehlopha sa Eswatini ke sona se bileng teng, 'me se ile sa ba thusa haholo boitlhophong.

Lipapali tsena tsa lefatše tsa litebele ke lekhetlo la bohlanano li

tšoarelola Budva ho tloha ka selemo sa 2014 ha li ne li qala ho tšoara Sofia Naheng ea Bulgaria. Ke libapali tse 660 tse lebetsoeng ho tla e hlana-ka ho hlaha linaheng se 88 tsa lefatše ho kenyetsoa le ea Lesotho.



# O khoaholla mofao

## Tšeliso Thakholi

**K**amora ho khutla Naheng ea Hungary, lipapaling tsa lefatše tsa papali ea Chess libekeng tse peli tse fetileng, khalala ea Chess Mofumahali Lieketseng Ngatane o re litholisanong tseo a bileng ho tsona, ho bile thata haholo kaha a ne a kopane le libapali tsa boemo ba machaba tse nang le boiphihlelo bo boholo papaling ea Chess. Empa o khotsofetse haholo ke tselo ea a bapetseng ka eona kaha o khutla a fumane malebela ao a tlang ho a sebelisa ka linako tsohle.

Khalala ena eo lerato la hae le leng leholo papaling ena, o re bohlokoa ba Chess ke ho chorisa kelello le ho thusa motho ho fumana litharollo ha bobebe h'a kopana le liqholotso tsa letsatsi ka leng. A re ho ba mokoetlisi oa bana ke ntho e monate haholo empa le batho ba baholo o ntse a

ba koetlisa kaha ba e-na le lithoko tseo ba li hlokanang tse kang tsa ho khatholla kelello le ho thapolla 'mele.

A re tlhoko e kholo ke khaello ea Chess likolong, 'me o lakatsa ho e bona e keneletse likolong tsohle kahar'a Naha ea Lesotho, e sa bapalo-feela empa e le karolo ea lithuto tsa letsatsi ka leng.

A supa hore Chess e hloka motho ea nang le thahasello le lerato le tebileng la ho e tseba. Empa e kholo ka ho fetisisa ke ho ba le mamello. "Motho a ka qala a sa tsebe letho ka Chess, empa hamorao a iphumana a hlola le batho ba e tsebileng lilemo-le-mo." A rialo.

A hlalosa hore kaha ea maoto leha liki ea basali e se e le teng, ba tle papaling ea Chess



ba ntse ba le leqo ho iponahatsa lipapaling tse ling tse kang bolo

ho bane ha e hloke matla a potongoane. "Ke hona moo ba ka tsebang

ho bontša bohla le matla a bona ha ba bapala le banna kapa bahlankana." O boletse joalo a bile a phaella ka hore mamati a butsoe bakeng sa basali ho tla ithuta papali ena.

Lipapaling tsena tse tsoa feta, bahloli ka ho basali le banna ke ba Naha ea India, empa libapali tsa Lesotho ka lebaka la ho ipabola, ba ile ba nyolleloa maemong a holimo. Ka ho banna Lihloela Motlomelo le Karabo Mokete ba ile ba fuoa boemo ba Fide Master (FM) ha mpoli ea Lesotho ea papali ea Chess Tshepe Lebajoa a ile fuoa boemo ba Candidate Master (CM). Ka ho basali Bonolo Ntsi-elo le Nteboheleng Thetsane ba ile ba fuoa boemo ba Women Fide Master (WFM). Maemo ana ke ao ba seng ba tla tsejoa ka ona papaling ea Chess lefatše ka bophara.

# Lipapali li'a hlabolla

## Tšeliso Thakholi

Letona la Bohahlau-li, Lipapali, Bono-no le Bochaba, Mohlomphehi Motlatsi Maqelepo o re o mong oa melemo ea lipapali ke ho hlabolla 'mele le kelelo ea motho le ho kopanya sechaba ho se etsa ngatana-nngoe. O buile tsena ketekelong ea Letsatsi la Machaba la Motsamao, le bileng Lebaleng la Khubetsoana, Mafeteng ka la 6



Mphalane 2024.

Maqelepo o beleletse bacha le sechaba se neng se phuthehile ka bongata bo bohola hore lipapali li ka sebelisoa ho qothisana le-hlokoa ka tsona, ebe joale motho h'a ipabola li mo fa mosebetsi le bophelo bo botle. A re lipapali ha se feela tsa lihlopha tse kholo, empa li qala metseng mona kaha li aha ngoana ho tloha lilemong tse tlaase, e le ho mo fa monyetla oa ho holela kahara tsona, ho mo qobisa lintho tse ka senyang bophelo ba hae.

H'a tšetleha puo ea hae Molula-Setulo oa Komiti ea TAFISA, Mofumahali Sebolelo o ile a leboha le ho thoholetsa sechaba le Mokhatlo oa Lipapali oa Lithotana o kentseng letsoho katlehisong ea mokete ona. A re sepheo se sehlo sa TAFISA, ke ho anetsa bophelo bo botle ho sechaba ka lipapali ho tloha ka ngoana ho ea ho motho e moholo. A khothaletsa motho ka mong moo a teng hore Sontaha ka seng sa pele sa Mphalane a ke a bonahale a ikitlaeletsa ho etsa lipapali ka morero oa ho itlhabolla le bophelo bo botle.

Lebitsong la Mokhatlo oa Lithotana Sports Union,



Monghali Moleleki Pakiso o hlalositse baeti le sechaba hore mokete ona oa lipapali o ba tlatsitse morolo o moholo ka hore ebe o tšoaretsoe motseng oa Khubetsoana. A re morero ona oa lipapali molemong oa bophelo bo botle ba tliilo o ntšetsapele ka matla a maholo, e le hore morolo o mocha o tle o holele kahar'a lipapali kaha li le bohlokoa.

"Re tliilo bona hore re holisa le ho matlafatsa bophelo ba rona le ba bana ba rona ka lipapali tse fapakaneng." Ke Pakiso eo.

Lihlopha tsa bolo ea maoto li ile tsa bapala matsatsi a mabeli moo Khubetsoana e ileng ea hlola Thabaneng ho makhaola-khang ka 3-0. Athe letsatsi la Sontaha mokete o ile oa thakholoa ka motsamao o neng o tlo-

ha Lebaleng la Khubetsoana ho leba Lithotaneng o boetse o khutlela lebaleng hape. Hamorao lihlopha tsa hlohisana ka lipapali tsa Sesotho le setepe. Ke moo Maqelepo a ileng a nehela ka mpho ea libolo tse peli ho metse e tšeletseng ea Mafeteng le lipalo tsa netball, e le hore ba tle ba ntšetsapele tšebetso ea bona e ntle ea bophelo bo botle ka lipapali.

# E fofa ka Mohope

## Tšeliso Thakholi

Litholisano tsa boipuso tsa Maluti Mountain Cement Charity Cup, li fihlile pheletsong ka katleho e kholo moo Sehlopha sa Lioli se ileng sa ikhapela tlhoho lekhetlo la bobeli ka tatellano ka ho shapa Bantu, Lebaleng la Leshoboro, Mafeteng ka la 5 Mphalane 2024.

Lioli e ile ea fihla ho makhaola-khang kamor'a ho hlola Matlama 2-1. Sethiba-thibane sa Lioli e leng William Huni, ke sona se ileng sa isa sehlopha papaling ea makhaola-khang ka ho sebetsa ka boitelo le ka makhetho. Huni ke e mong oa lithiba-thibane tse ileng tsa ipabola litholisano tse tsa ka ho thiba libolo tse kotsi hore li se ke tsa mo pota ka morao. E boetse ke eena feela sethiba-thibane se hlabiloeng ntlha e le 'ngoe lipapaling tsena.

Papali ea makhaola-khang e qalile ka sekah-

la se sehlo, 'me sehlopha sa Bantu sa bontša maikemisetso a ho hlola papali empa leha ho le joalo boitekoko ba sona ba se ke ba atleha. Lithatohatsi tsa letsatsi leo eleng Lioli leha li sa ka tsa qala papali ka matla a maholo, papising le papali ea tsona ea pele khahlanong le Matlama, li ile tsa hla tsa qeta mosebetsi karolong ea pele ea papali ka ho hlaba ntlha e bileng

eona ea tlhoho ka leoto la Teboho Masuoane.

Le hoja Bantu e ne e bontša mafolo-folo a ho hlola papali karolong ea bobeli, Lioli e ile ea fetola papali kamora ho phethela mosebetsi oa ho hlaba ntlha karolong ea pele, 'me e ne e se e etsa lithlaselo tse fokolang kaha boholo ba nako e ne e thibeletsa ho fihlela papali e fihla pheletsong.

Motšehetsi e moho-

lo oa litholisano tsena, Mohlomphehi Lebona Lephema o boletse hore o motlotlo haholo ho bona thabo e bonahalang kahare ho sebaka sa Mafeteng, e tlišoang ke lipapali tsena. A re sepheo se sehlo sa tsona ke ho bopa bonngoe ba sechaba sa Basotho le ho keteka e le kannete lilemo tse 200 Morena Moshoeshe I a na thehe sechaba sa Basotho. "Ha re ntse re keteka tjena, re re sekoete Basotho. Re hletleng morao re qaleng ho bopa khotso ea moshoele-

la." O boletse joalo a bile a phethela ka ho leboha lihlopha tsohle ke nkileng karolo lipapaling tsena.

Ho sa le joalo o boetse a ekeletsa lihlopha tsena meputso ka chelete e kalo ka M25,000.00 sehlopha ka seng. Ka hona boemong ba pele Lioli e ile ea fofa ka 125,000.00 le mohope, bobeling Bantu ea hapa M75,000.00 ha Matlama le LMPS boemong ba boraro le ba bone ka tatellano li ile tsa hlakoloa meokho ka M50,000.00 sehlopha ka seng.

